



UNIVERSITÄTS-  
BIBLIOTHEK  
PADERBORN

**Jus Canonicvm R.P. Pavli Laymanni, Soc: Jesu Theologi, Et  
Olim In Alma Et Episcopali Academia Dilingana SS.  
Canonum Ordinarii Professoris**

**Laymann, Paul**

**Dilingæ, 1666**

Capitvlm XIV. Quoniam.

---

[urn:nbn:de:hbz:466:1-62559](#)

stante collatione prius alteri facta, explicandum esse de collatione inualida.

**2** NOTANDVM II. Etsi certa forma Iudici delegato præscripta sit, nihilominus debet procedere ac iudicare secundum juris æquitatem. Quia Pontifex in rescriptis ad lites, quæ propriè ad iustitiam administrandam tendunt, non censetur derogare iuri communi, vti etiam constat ex c. causam quæ, 18. de rescriptis.

**3** NOTANDVM III. Iudex procedere debet secundum æquitatem, quæ iure informata est; seu ita, vt legibus non repugnet. Non enim *Iudex clementior legi esse debet*, sed eius verbi standum, *Authent. de Iudicibus*, §. oportet, iun. Gl. Si tamen casus lege definitus non sit, tum Iudici, quod æquum ipsi videtur, arbitrii permisum est, c. vlt. de transact. in fine, iun. Gl. ver. æquitate.

**4** NOTANDVM IV. Si Princeps scribat, in causa procedendum esse, nulla admissa exceptione, intelligi debet de exceptione irrationali, aut quæ solùm ad prorogandum iudicium apposita videtur, de quo hic videri potest Barbat. col. 2. Si autem expressè additum, nulla quamvis rationabili exceptione admissa, tum standum est formâ mandatis, quando nullus dubitandi locus relinquitur: quia Princeps ex plenitudine potestatis iuri communi, aut partis derogare censetur. Quod in civilibus causis ob grauem causam facere potest, præsertim si aliud defensionis remedium parti litiganti superfit, præter id quod ei adimitur. Ita docet Barbatia hic col. 6.

Exemplum habes: Si Papa causam Iudici commitat, eo addito, vt recusari non possit, explicari debet de friuola & irrationali recusatione: Sin verò addat, vt recusari non possit quantumvis rationabiliter, id seruari debet: cùm aliud remedium parti non desit, videlicet appellandi aut Iudicis officium implorandi.

\* \* \*

## CAPITVLUM XIV.

### Quoniam.

#### PARAPHRASIS.

Alexander III. causam quandam delegavit Abbatii Leicestriæ, & Abbatii Vniceltræ: mortuo isto, Abbas ille partes citavit, & cùm interim in locum demortui alias substitueretur, mandatum Apostolicum successori illi porrexit, & cum eo causam definiuit. Quærebatur, an id rectè factum fuerit, & sententia à duobus lata rata esse deberet. Affirmat Alexander Papa; Et quod delegatio Abbatibus sub nomine non propriarum personarum, sed dignitatum ac locorum facta sit.

#### S V M M A R I V M.

1. *Delegatio facta dignitati, non expresso nomine proprio, transit ad successorem in dignitate, non autem administratori, qui pro tempore ecclesie vacatis constituitur.*
2. *Si causa alicui commissa est expressum proprio nomine, tum dignitatu. g. Henrico Episcopo Augustano committimus, in dubio censenda est personalis commissio, nisi ex alijs concordis voluntas delegantis cognoscatur.*
3. *Si commissio facta est intuitu Archidiocesis, v.g. dignitatis, ea amissa, non pars est in causam cognoscere.*
4. *Potest autem eam cognoscere, si commissio facta est intuitu persona; modo non ob crimen depositus sit.*
5. *Mandatum Principis censetur exprsum & efficax, et si delegato nondum intolleruerit, privilegium è contraria beneficium motu proprio concessum non constitutratum anie acceptationem.*
6. *Commissio legato Sedis Apostolice facta sub nomine dignitatis, non transit ad successorem; transit autem illa, que facta est Vicario Episcopi.*

NOTA.

**N**O T A N D V M I. Si duobus Iudicibus causa delegata sit, adiecta clausula, *Si non omnes*, atque eorum uno impedito, vel mortuo alter solus procedere coepit; celsante impedimento recuperatis, qui impeditus erat, aut successor eius iurisdictionem sibi commissam: quippe quam nunquam omnino amisisse censetur, quamvis suspensam habuerit. Ita nota hic Gl. ver. præfixit, & sumiturex l. cum alijs, C. de curatore furioso, vbi curator datus furioso dilucida interualla habenti, non desinit esse curator, dum homo illae rationis vsu pollet, licet eo temporis intervallo suspensa sit tutoris administratio, cum ipsemet, cui curator datus est, omnia per se agere possit. Videri potest Decius hic n. 3. in Gl. 1.

**N**O T A N D V M II. Si delegatio, seu commissio alicui fiat sub nomine dignitatis, v. g. Episcopo Augustano, tum eo mortuo, vel renuntiante, ad successorem in eadem dignitate transit: Sin autem facta sit sub nomine proprio, Titio hanc causam committimus, ad successorem non transit. Simile quiddam docet DD. de beneficijs, ac priuilegijs Principum, quod alia sint realia, videlicet quæ intuitu loci, aut dignitatis data sunt, ac proinde ad successorem transeunt: alia vero personalia, quæ personæ intuitu concessa sunt, de quibus dicitur in reg. 68. In omnibus causis id obseruatur, ut ubi persona conditio locum faciat beneficio, ibi deficiente ea, beneficium quoque deficiat. Qua de re dixi lib. 1. tr. 4. c. 23. n. 4.

Hæc doctrina declaranda est: Primò, quod commissio vel priuilegium datum nomine dignitatis, transeat ad successorem in dignitate, tanquam qui equali iure fungitur, non autem transeat ad administratorem, qui pro tempore Ecclesiæ vacantis constituitur. Quamobrem ex communi docet Abb. in c. verbum n. 9. de foro compet. Decius hic n. 3. Quod nec ad Capitulum vacante Sede devoluantur ea, quæ Episcopo ratione dignitatis sue speciali iure data, aut commissa sunt. Veruntamen, si quæ speciali iure delegata sint Episcopis, in ordinariam eorum iurisdictionem transeant, v. g. dispensandi atque absolvendi potestas in casibus Papalibus occultis,

de quibus Trident. sess. 24. c. 6. de reform. ea ad Capitulum vacante sede transit, ut colligutorex doctrina Felin. in c. eam te, 2. n. 17. de rescript. & tradunt Rodriq. tom. 1. regul. q. 61. a. 9. Sanchez lib. 8. de matrim. disp. 61. n. 10. contra Suarez in 3. p. tom. 4. disp. 41. sect. 2. n. 13.

Secundò: Quod commissio facta intuitu dignitatis transeat ad successorem, tametsi res integra sit, seu causa nondum copta. Ita Abb. hic n. 3. Decius n. 3. & alij fermè communiter apud Sanchez lib. 8. disp. 27. n. 7. Quia siue res integrasit, siue copta, militat eadem ratio, quod dignitas, & quæ ratione dignitatis competit, ob mutationem personæ non mutantur, c. si gratiouse, 5. de rescript. in 6.

Tertiò: Ut cognoscamus, num dispositio, vel delegatio facta sit intuitu loci, ac dignitatis, an verò intuitu huius personæ, non ad sola verba attendere debemus, sed potius ad præsumptam voluntatem committentis vel disponentis, quatenus ea cum ex materia subiecta, tum ex adjunctis colligi potest. Quia præsumptionem vnam (quæ videlicet verbis desumitur) alia maior & urgentior superat, iuxta Gl. fin. in c. transmissæ. Qui filii sunt legitimi. Et ita singulariter hic notant Imola n. 23. Abb. n. 8. quam hic sequitur Felinus n. 3. Beroius n. 83. communem esse ait Decius concl. 1.

Exempli causa: Si Papa expresso nomine dignitatis, Abbatii alicui deleget causam aliquam adiiciens rationem, quæ ad ipsum propriè spectat, ut quia in hoc genere obdiuturnam experientiam, ac doctrinam versatus esset: tum censi potest personæ industria singulariter electa, arg. c. mandata, 6. de præsumpt. Addunt aliqui apud Sanchez cit. disp. 27. n. 15. Si delegatus sit amicitia vel sanguine coniunctus deleganti, quod delegatio censeatur facta ex singulari affectione erga personam, ut ad successorem non transeat, arg. c. requisisti, 15. de testamentis, vbi habetur; Si Episcopo aliquid per ultimam voluntatem legatum sit, id factum præsumi non Ecclesiæ, sed personæ intuitu: contrarium vero præsumendum, si ab extraneo legatum

Hhhh gatum

gatum sit. Verum reatē monet Sanchez cit. loco, discrimin apertum esse inter hos casus: quia in causarum delegationibus plerumq; non attenditur ad sanguinis, vel amicitiae coniunctionem, sed ad auctoritatem, & peritiam, quæ plerumque etiam in successoribus reperitur. Legata autem specialiter fieri solent propinquitatis ratione. Simile quid docet Gl. in c. 2. §. sanè, ver. expresserit, de testam. in 6. Si testator hæreditatis executor dixerit, vel scripserit Abbatem sancti Proculi, qui propinquus eius erat, affectione personæ id factum videri, vt ad successorem non transeat. Sed hæc præsumptio minus certa videtur; cùm testamenti executores sæpen numero deputantur propter auctoritatem ac fidelitatem, quæ etiam in successoribus inesse solet.

Contrà verò ex materia subiecta cognosci quandoque potest, tametsi in rescripto expressum fuerit nomen personæ, tamen eā mortuā ad successorem, vel hæredem eius transire: Ita v. g. successor alicuius Prælati, vel hæres alicuius Comitis conueniri potest ex rescripto Principis, quod de pecuniario soluendo debito sub proprio nomine ad antecessorem datum fuit, vt dixi in c. significavit, 36. de rescript. & c. dilecti, 17. de foro comp.

2 QVÆRITVR autem I. Si causa alicui commissa sit, expresso tum proprio nomine, tum dignitatis, v. g. Henrico Episcopo Augustano committimus, num in dubio existimandum sit, commissionem factam esse personæ, an dignitati. Communiter fermè respondent, Bartol. l. more, in fine, ff. de iurisdict. Ancharanus c. si gratiosè, post medium, de rescript. in 6. Si nomen proprium præponatur, censeri personæ intuitu commissum; saltem si ea nota sit, vt distinguit Abb. hīc num. 8. & alij apud Imolam, hīc n. 23. Mihi verò magis placet, vt dicamus cum Imola, n. 25. si ex alijs coniecituris voluntas delegantis non cognoscatur, censendam esse personalem commissionem. Quandoquidem vniuersum verum est, quod species determinet genus, siue ea antecedat, siue sequatur. Accedit, quod appositiō no-

minis proprij inutilis esset, & nullum esse. Etum haberet, nisi commissionem facere personalem. Verba autem rescripti aliquid operari debent, ait Sanchez cit. disp. 27. n. 20. Et videtur hæc doctrina colligi ex c. si is cui, 10. eod. tit. in 6.

QVÆRITVR II. Si commissio facta sit Archidiacono huius Ecclesiæ, is autem dignitatem amittat per resignationem aut promotionem, vtrum nihilominus cognoscere eam possit? Resp. & dico I. Si commissio facta esse videatur intuitu dignitatis, ea amissa non potest causam cognoscere. Ita Innoc. hīc n. 1. Ioan. Andr. n. 4. & esse communem ait hīc Abb. n. 8. in fine, contra Ioan. Monachum, in c. statutum, n. 8. de rescript. in 6. vbi contrarium docet, si dignitas per promotionem amittatur. Ratio est clara. Nam talis commissio adhæret dignitati; ergo deposita dignitate amittitur, & ad successorem pertinet. Debet autem ampliari assertio, vt locum iam habeat, tametsi causa coepit sit, vt signatè monent Innoc. & Ioan. Andr. ll. cc. Sanchez cit. disp. 27. n. 24. & 28.

Dico II. Si commissio facta sit personæ, seu personæ intuitu facta, deposita dignitate, vel officio, (dummodò non ob crimen depositus sit, l. 2. ff. de senatoribus) eam exequi potest delegatus, tametsi causa nondum coepit fuerit. Ita Gl. in c. statutum, 11. ver. canonicis, de rescript. in 6. ibidem Monachus n. 7. Ioan. Andr. n. 20. Cardinal. Zabarella Clem. 2. de rescript. q. 6. Decius hīc col. 6. Ancharan. in c. si gratiosè, prope finem, codit. in 6. Tabiena ver. delegare, q. 12. n. 13. Flamin. de resignat. benefic. lib. r. q. 11. n. 6. Ratiō est: Quia sicuti priuilegium, ita & rescriptum personale personæ adhæret, & cum ea perpetuatur, dummodò statum contrarium seu incompossibilem non assumat. Aut que Gl. illa communiter recepta; si tempore commissionis, seu datæ literarum delegatus capax fuerit, videlicet in dignitate constitutus, tametsi tempore præsentationis resignari, quod eam exequi possit. Sed vice versa, si tempore præsentationis dignitatem obtinet, vel Ecclesiæ cathedralis canonicus existat, non item tempore commissionis, quod com-

commissionem personæ, non dignitatis intuitu exequi non possit: quare in talibus initium spectandum est, arg. c. si eo tempore, 9. de rescript. in 6.

Corollarium. Ex hac communis doctrina sequitur, quod mandatum Principis censetur expeditum, & efficax, tametsi delegato nondum innotuerit: In quo differt à priuilegio aut beneficio, quod motu proprio concessum est, & ante acceptationem ratum non censetur, vti dixi lib. i. tr. 4. c. 23. n. 9. Ratio discriminis est: Quia priuilegium aut beneficium, cum species quædam donationis sit, non debet dari inuitu, sed consentienti: At vero Principis mandatum etiam nolentes obligat ad acceptandum, iuxta c. pastora-  
lis, 11. de offic. Ordinarij, vt bene docet Felin.  
c. prudentiam, 21. §. adiçimus, hoc tit. Quare ita argumentari licet: Factum legitimè re-  
tractari non debet, tametsi casus postea eveniat, à quo non potuit inchoari, reg. 73. in 6.

At vero Principis commissio constitut, ac rata fuit, tempore expeditionis literarum. Ergo tametsi commissarius postea ad statum deueniat, in quo ipsi commissio secundum iura fieri non potest, si videlicet dignitati, aut canonicatu Ecclesiæ Cathedralis renuntiauit, nihilominus commissionem exequi poterit. Quandoquidem dicta personæ conditio seu qualitas tempore commissionis facienda requiritur, non tempore executionis, c. statutum, 11. de rescript. in 6. Cæterum si Canonicus delegatus à Sede Apostolica statum incompossibilem, seu contrarium Ecclesiastis negotijs assumat, vt si vxorem ducat, tum commissionem exequi haud poterit, sicuti cit. locis docent Zabarella, Decius, Tabiena, Francus in cit. c. statutum n. 8. & alij. Sed quid si Religionem ingressus sit? Resp. Exequi posse; Nisi talis Religio sit, cuius instituto eiusmodi causarum expeditiones specialiter repugnant, iuxta ea quæ dixi in eod. c. statutum.

Quæritur III. Si commissio legato Se-  
dis Apostolicæ facta sit sub nomine dignita-  
tis, vtrum ad successorem eius transeat. Resp.  
negatiuè cum Abb. hic n. 11. Augustin. Be-  
roio n. 102. & seqq. Felino n. 8. Quia Lega-

tus pro arbitrio Papæ creatur, ac reuocatur,  
ideoque eius dignitas propriè non vacat, nec  
successorem habet. Sed alia ratio esse videtur  
de Vicario Episcopi: Cum enim ordinarium  
ac veluti debitum sit, vt Episcopus Vicarium  
seu Officiale habeat: quamobrem Papa  
committendo causam Officii, videtur ad  
officium eius, non ad personam respergisse.  
vti dixi c. 1. de offic. Vicarij, in 6.

## CAPITVLVM XV.

Super eo.

## PARAPHRASIS.

Ortæ controversiæ inter Titium & Caium de iure præsentandi Presbyterum ad Ecclesiam Parochialem, Papa commisit causam alicui Abbatii, hac forma: vt si constiterit ipsi, ius præsentandi ad partem alterutram pertinere, ad præsentationem eius de persona idonea factam, Ecclesiam illâ, appellatione remota, ordinet, seu prouisionem faciat. Dubitabatur hoc casu, vtrum delegatus Episcopo inscio aut Archidiacono, vel Archiepiscopo reclamante prouisum in possessionem mittere posset: Et si Episcopus, vel Archidiaconus, ad quem de iure institutio pertinet, contra delegatum instituere violentem appellat, vtrum appellationi deferendum sit. Respondet Alexander III. Non esse Pontificis intentionem dictâ commissionis formulâ præiudicium generare Episcopo, Archidiacono, vel Archipresbytero: quamobrem si ad ipsorum aliquem institutio pertinet, præsentationem ipsi faciemus esse: Atque appellationem eorundem admittendam esse, si iuri suo præiudicium generari prætendant: cum appellatione non eorum, sed partium contendentium respectu in rescripto Apostolico inhibita fuerit.

## S V M M A R I V M.

1. Rescriptum Principis non ita intelligi debet, vt alteri præiudicium inferatur, nisi fides exprimatur,

H h h 2

2. Eze.